

կը նաև գէպի Եգիպտոս: Ռոդոսի առջև կը պատահի Խալիլ Փաշայի նաւատորմիդին (210—211): Ճանապարհին յարձակում կը կրեն նաւորդները ծովահէններէ. բայց Սիմէոն իւր խումբին հետ կը հասնի բարեաւ Ադեքսանդրիա, ուսկից կը շարունակէ ճանապարհը մինչև Մսրը (Գահիրէ): Հոս կը պատահի Թոխաթեցի Մաղաքիա արեղային. երկու ամիս կը մնայ անոր քով հիւր (217): Մաղաքիայի միջնորդութեամբ կը ծանօթանայ նաև հայազգի խոճայ Իբրահիմ շահի<sup>7</sup> հետ, որ զինքը ստէպ ստէպ կը հիւրամեծարէ (221):

Գահիրէէն կ'անցնի Գաղայի ճանապարհով Երուսաղէմ: Գրիգոր Պարոնտէր կը հիւրասիրէ զինքը Ս. Յակոբեանց վանքը, եւ կը յանձնարարէ գրել այլ եւ այլ շրջաբերական թղթեր (էջ 252): «Կացի անդ, կը գրէ Սիմէոն, ի վարագայ Խաչէն մինչև ի Զա-

<sup>7</sup> Բերլինի Թ. 57 ձեռագիր Մաշտոցի մէջ կը կարգամ յիշատակագրութիւնս. «Ես սարկաւազ Լեհացիս թղթին ՌԿ. երկուսիս հանդիպեցա Մսիւր քաղաքիս: Ով ընթերցողք այսմ տառիս... շնորհակալ եմ տէր Դաւիթ ընկերիս. ես Մկրտիչ Տիւրիկեցի միայն անուամբ երէց կոչի, զայս Սարգսիս բունցի, զմեռեալ զրեանքս ի հետ նորոգեցի...: Ի ժամանակս Խոճայ Իպրահիմ շային եւ Ֆարմանին. նոցա ձեռնորութեամբն եւ կամակցութեամբն կազմեցաք զայս Մաշտոցս...»: Հ. Յ. Տաշեան՝ Յուցակ հայերէն Ձեռագրաց Բերլինի արքայական Մատենադարանին, Թ. 57 (անտիպ): Հմմտ. եւ Հ. Ղ. Ալիշան՝ Կամենից, էջ 171: Սարգիս սարկաւազ Լեհացին նոյն է հաւանօրէն Սարգիս զպրին հետ, որ 1616ին ի Լվով օրինակել կու տայ վարդանայ Աբարածոց Մեկնութիւնը (Կամենից, 171):